



平山堂詩集



沂水劉應賓思皇甫 著

南州李明睿太虛甫

西蜀柳寅東鳳詹甫全評

河濱李楷叔則甫

賦

郊遊賦 倣赤壁

癸巳初秋七月吉日淫雨返天積潦淖地劉子與  
客喜重陰之乍照羨秋色之載霽乃命與人西郊



是企穿重闥歷廣陌出塵囂拔類萃紛大道之縱  
橫乍高梁之垂穗頽垣漫滅荒草迎委嘆古槐之  
遠邈望大明之古寺於是舍輿而步蜀岡重沓怡  
形快致客顧誦淵明之詩曰既窈窕以尋壑亦崎  
嶇而經丘雖時地之已遠諒情好之不異乃披荆  
榛攀薜荔緣長堤觀浮翠青碧一色水天不二此  
何景也北望平山東瞻隋苑司徒虛左橋梁橫坻  
四顧躊躇不覺喟然曰此固向者載酒尋山登六  
一之堂憑吊帝子扁舟之所泊也曾歲序之未週

而光景不可復記矣爰命童子採江上之芷摘芰  
底之芳班荆而坐踞橋徜徉白鳥容與錦鱗游翔  
風來水面殘荷猶香惜無亭館通軌往來顧安所  
得斟量乎客曰日者徽商脩禊峯室堙塗何往觀  
之洛陽名園固不必自己創也復命中車返長坂  
之坡抵臨水之房至則土木輝煌荒郊殘礫又變  
而為金谷艷陽矣是日天清氣朗遊人稍集漁父  
鼓枻青草牧羊酒舖既設其樂未央遂倚檻而歌  
之曰臨修渠兮紛徬徨乘曦照兮泝流光俛成毀



今今勝地昔戰場客聞之愀然不樂攘袂而張刺  
刺西京勝焉家邦悲客子之失路嘆人情之炎涼  
鬱鬱自苦想亦未撤天地之大防乎今夫寰海之  
內有九州九州之內有維揚疆理吳差經營隋煬  
千艘萬艘之所鱗集富商大賈之所發皇而我與  
子以秦齊之羈旅奔舊京而作東晉之老僮迨地  
軸再缺迂迴廣陵影匿名藏混跡編蒙亦奚啻梯  
米之在太倉百年之內孰存孰亡四海之中誰寄  
誰常以寓為寄以住為常不有大寄誰貞太常且  
子秦人也子之先寧必秦也耶兵戈流離弱喪忘  
歸東西易鄉而欲於寄寄之中分彼我存執着其  
亦可謂大惑終身不良客聽而悟覺煩言之無當  
少焉假寐憑几而睡即有大槐先生揖予而言曰  
予千年去世蒙子不弃眷顧我國雖未能至聞德  
已醉聽子之言寥乎曠哉穆乎粹矣生歿皆寄夢  
局總戲無以侑酒資爾鼓吹於是金石雜奏鈞天  
儼侍忽狀驚覺夕陽未墜客尚在座輿人數伺為  
客道之客曰噫嘻是為遊徵請述其事



平山堂詩集卷之一  
三  
秋蠅賦

何志意之不舒兮紛慘淡之經營羗左支以右梧  
兮聽羣聲之薨薨是何物之為崇兮世俗號之曰  
秋蠅盈天地間之為物兮其數有萬飛潛動植並  
育不驚羽族之數亦有萬兮高飛遠舉與人無競  
而獨蠅者其賦形也甚儂其秉性也喜黥其微而  
不足較也似鷄蟲之附體其穢而不足論也潛糞  
溷以營生嘗趨炎而避涼亦嚙啗以背憎伊上古  
之無文兮裸已化之遺形託函蓋於天地兮遭若

輩之縱橫或昏君媵主之急荒兮顛倒衣裳甘與  
同夢或變亂蒼素漏洩詔意鬼神不能防其狡五  
色不能安其正兆集隼之不祥胎揮塵之禍阮又  
若賓筵初設客主交酢鼓瑟吹笙威儀抑抑而爾  
先醉酒而嘗羨魚鼈膾鯉羣蠅上下拂之不退主  
客為之不寧是皆乘勢競進不念哀樂遑恤人情  
炎炎繩繩者之所為也乃若朱明退令厥民夷鳥  
獸和平幸暮氣之可守何旦夕之栩栩爾乃礪吻  
淬唇傳子翼孫呼類引朋窺矚擊刺時遠時近前



茅後勁乘人之瑕若從天之鵬鷹蟻緣蚊附逞遍  
體之猩猩於是主人憊矣厥口詛祝曰維天不吊  
厥躬靡騁夜有蚊噬晝有蒼蠅鏤肌刻膚厥角若  
崩胡狀一身為物之錫不見可欲使物不交爰清  
爰靜不為物櫻我守其一殺機不萌於是秋蠅徙  
倚迂避嚶嚶而作人聲曰嗜慾深者天機淺此老  
莊之玄經凡人世之逐逐盡吾輩之惺惺歷寒暑  
貫晦明曾不一遊神於漠上帝怒焉物以相物故  
假吾輩以代墨刑且子昔為贊令不嘗遊於元氏  
之庭乎其俗朴而民儉以瓠為牲城市如垆雖盛  
暑之灼物而何嘗見有一蠅之敢衡

姊妹花小賦

效齊梁體

乍晨起以窺園兮裊清和之霧烟紛衆芳以迎余  
兮娉架上之娟娟羌臨風而望幸豈入門而爭妍  
羨深靚以不語燦踈星之在天際春夏之芳菲接  
二氣之流連漢宮煽其寢處兮銅雀竚擬並肩茲  
信羨之交懽兮何陵谷之代遷爾乃張翠幙映苔  
鮮點小逕拂修榭籐屈曲以蔓引刺隱隱而帶牽



似錦鱗之朝日如鸚鷺之浴川羗潔修而不蕪兮  
肆含芳之芟芟擁花城之四照兮吾不知人世繁  
華之所以狀

附李叔則來泉賦

沂水劉中丞別業有泉其石如盤水從石出  
飲其上以酒酌之忽湧而上聲隱隱如雷珠  
歎鳳舞殆有龍之解人語者山水之靈吾所  
樂道故賦之

有龍德丈人者區青齊第北海清以壯淵而滙冽  
而寒深以漙其德漱其色曜濯雲枝涵日彩滋嘉  
禾蔟靈蔭不陰而霖匪霞而變堯時不淫溢湯年  
不亢悔蜿蜒出層阿光練如雪皚綏綏貫珠之晶  
瑩鱗鱗如羣玉之塊壘旣上善之有常爰川流而  
不改惜沉淪兮知無人若延頸兮長相待比河源  
於崑崙應虛危於玄宰鳳以醴而將下蚌以珠而  
不餒詎井泥之無禽或喜客而不怠闕神功於一  
源遘至人於千載輶軒至止以咏以觴迺瞻迺酌  
迺笙迺簧能應時而起舞歛瀟涌而弩張席未跑



而已躍鶴欲窺而驚翔如喜如奮如鼓如狂濡朱  
芾於咫尺沸紫虹於尋常乃若灑瀾瀾瀾瀾浩湯  
湯如六軍之初發如羣猊之騰驤雖水伯之酬酢  
凜栗烈於無方客驚而怖班坐移林相與讚異莫  
知何祥於是觀鮑室聽琳瑯藉春草娛夕陽同遊  
既醉其樂未央挾帝鴻之硯銛公幹之鉞騁雕龍  
之藻作來泉之章其詩曰彼泉沉錮待疏引我泉  
漉漉被豐畛渤澥能與四海連溯源挹潤功惟敏  
又有和之者曰昔人忘源不知九淵我功我德匪  
人伊天越有數年廣陵之客乃賡而歌之曰玄化  
啓兮坤靈播寒有衣兮食無餓時乎飛雲時蟠卧  
於是河濱子聳已事以浮杯賀茲泉而神開惟中  
丞之慶源誕名流以滌洄知嗣續於苗裔膺多福  
於雲雷不狀者茲泉之涓涓將何為而來哉將何  
為而來哉



擬古

送客四章章八句和叔則

送客邗流我心悠悠與子偕送載笑載遊豈無周

道願言從舟流覽時物年麥已秋解一暑雨濛濛日

中而饑二卵干城赤舫戎衣蠹蠹文塔維揚之依

知我者寡怨是用希解二維滸有舟題題古道遲客

不至汎汎莫保於以將之返棹如擣西湖有鏡青

山易老解三權其橫矣鼓之簧之巍矣莪矣中流揚

之龍舟煌煌五色成章維城有且南浦再傷解四



李叔則曰并及其所見

江漢六章章六句

為趙友沂壽其母張老夫  
人作

江漢之表名媛出焉曰歸趙氏彤管載賢我躬匪  
閱中丞維天解一式微式微硯田儉歲舅氏逋負有  
婦操篲而多為恤外內以濟解二中丞載揚載登九  
閭歷刺齊趙刑於有光克襄大事令德琅琅解三母  
也天只麟鳳至止一蜚一鳴以娛甘旨芝有根矣  
醴有源矣解四克相夫子南北奔馳既蹶而起直道  
是為集爾遐福山河是儀解五稱彼霞觴伯氏徵章

如岡如陵以莫不昌洗腆之忱其樂洋洋解六

李叔則曰刻意大雅不襲格套一語昌黎之陳  
言務去也

我行其野六章章六句

揚州斑竹園作

我行其野適彼西原鬱鬱喬木景物載繁有蘭有  
桂厥竹維孫解一我行其野未殖其穀我麥已登我  
田載菽零雨濛濛我禾憂縮解二維野有園厥雨維  
艱池塘生草農人瘁顏村墟闐如寡婦往還解三維  
園有藪漢陰逐逐綿棉瓜瓞是鋤是漉有芹有茄  
以分甘畜解四匪兕匪虎率彼曠野一耕一鑿帝力



亦假去彼碩鼠勿害爾馬

解五

衡門之下可以棲遲

逝將公汝濯我清漪考槃在阿遑遑何之

解六

星日五章章八句

星日愆暘不良於行維雨無政亦孔之慝自春徂

暑歷時已更轉盼蓐收萬寶告成

解一

告成維何黍

稷油油厥田下上禾稻是道一稻之茂紀於南州

良苗懷風亦已焉休

解二

良苗不插有辜其實不見

田作式號且逸呼天而告天不我恤喪亡之威何

用卒日

解三

人亦有言厥食維天非水不生五行所

先涓滴不來秧老氣股秉耒終日嚙咽俱乾

解四

新

壇載肅用憫三農載勅五雷不遇一龍神豈吐之

數不我逢其何能淑式用告凶

解五

李叔則曰雲漢見憂宣王側身修行之實也首  
篇紀時次篇紀地三四呼天卒章紀祈雨之  
事婉而多風怨而不傷



古樂府

折楊柳

折楊柳柳枝一何柔長條垂金線短浦繫漁舟春  
暮玉蘭秋

其二

折楊柳桃花映水流半面鞦韆香肩遠山盈兩眸美  
人天際頭

其三

折楊柳海棠嬌欲道滿樹胭脂顆一天霞氣稠柳



帶更含愁

其四

折楊柳柳蔭菜花浮八陣已困馬三軍曾充牛諸  
葛自為劉

其五

折楊柳李花夾道遊驢兒騁駿足  
本家有走驢甚壯 鶴淚  
傍瓊洲遶籬柳柳週

其六

折楊柳柳青蛺蝶悠野花曠綠草盈樹列白榆春

色大半休

其七

折楊柳曲池到處幽迴廊作深院走厦俯碧漚語  
驚鸚鵡洲

其八

折楊柳蘭芳聚一區剥啄敲小巷婢娟凭高樓郎  
家萬戶侯

李叔則曰樂府勝場



三言

佛蓮

衡山歸藥廟寄迴雁峰古梵地桂王宮復道闕西  
 佛蓮鴟蹲翠因緣竒萬里至陸地花香無二清芬  
 細玉盞致具佛像凡花異西天物發我喟

李叔則曰如讀古樂府細物何幸乃藉以傳



四言

孔廟櫓

商周遺愛根孕杏穴鐵幹踰尋一元所結雙龍飛  
 一一貫不列神物宜防銀鐺是繼欽維神物枝葉  
 兩絕文不在茲波波左躡可傳可玩不死不滅閱  
 世瘁榮繫朝更迭是為道苗夫子心血天之未喪  
 日月並子

李叔則曰古嶠與米南宮同

孔林



出自北門栢松平原干雲夾日古木實繁不棘不  
巢草茸土埶陌阡彌望四氣常温肅肅邕邕泗洙  
潺湲三墳綿亘燕子翼孫玉振金聲閱在玄坤太  
嶽鍾靈祖衍崑崙規模閱遠至聖擅尊秦始何人  
敢而肆愆予來謁墓目擊道存聖不我棄密若無  
言

李太虛曰是貴鄉最勝之景寫得玲瓏  
李叔則曰是第一題作者亦不欲居二

### 幽蘭

其蘭其蘭石邊澗邊茸茸山谷草木同羊質勁氣

柔綠華殊妍猗兮我愛置彼几前蘭悅我枯逾年  
而鮮芬芳凝烈若斷若連靜則有聞吾無隱焉尼  
父作操以歌以絃夫微之顯物固有天

李太虛曰韵折古奧精神色澤俱佳  
李叔則曰深於現道

### 來泉

異哉流泉雲起如烟盤石山阿柿菓霜妍垂金夾  
路宜坐宜絃衆竅吸噓鏘鏘鎔狀泉流正潔遶屋  
漑田拜德龍神酒酬心蠲一觴方酌水湧石汧高  
乃踰胸杯浮衣濺客驚避酌泉底潮齧吞吐雷霆



風迴波漩

李叔則曰此景以事實為中丞之祥

燈偈

準提菩薩一燈常明內子耿淑人虔供

熒熒一燈大士靈通有感必應無瞻不逢慈顏不  
漏變現其中心器不肅滅明互蒙冰花示異短焰  
立窮或燼漏刻或垂長虹一莖曄曄旬日而紅大  
士無礙諸相俱空於何不滅慧照玲瓏兩目不瞑  
如陽之曠一心懸照如月之充具大法力清明在  
躬非燈非火亦徹亦融是曰常明開茲夢夢

李叔則曰和盤托出

其二

劫火銷界其原星星千年暗室一照方熒夜以繼  
日非燈不青燈之代旦明兩作經燭火易熄佛燄  
不停大士天上無微不惺作何誦持慧燭必馨五  
蘊照見琉璃現形火輪常住耳目俱靈善惡取予  
因果一聽以印印泥去塵飛螢穿帷透幕低閣度  
庭夜半呼寐司香竦屏神光勿褻稽首皈銘

鄭襄

崇禎丁丑



苦矣耶襄蜀豫為疆流寇蕩之蛇豕斯張官不樂  
就干戈載揚千里鎖鑰山河無光道缺三季危疆  
惶惶寇氛日掠以讓主爵主爵委蛇西室落索予  
乘其乏蚤夜而作念我友朋亦孔之託十年盱衡  
感激 聖明夾袋磨勘降罪多櫻官無完膚及格  
為榮嘉湖作道三年是程以地以人適得其平相  
君陰鷲桑梓用情謂予弃之回奏設院大選是急  
不遑將迎會推甫畢蒙恤以行予在苦塊摧肝裂  
肺人誰無母亦憫其背恐延歲月不洩其憤授意

撫按保留至再不勅當事而處憂退既非膺仕豈  
謂賄敗為官擇地主爵壘礙百年銓規自予而廢  
饒陽作宰烏程為對大內讒賊御筆不貸 聖明  
在上雖謫靡悔亦思前 旨封疆是愛 皇皇令  
主曷無鑒在

李叔則曰耶襄為天下要地其道臣三年不補  
時事滋以危矣先生上躰 先帝嚴旨以嘉  
湖補之此時當國者不以剪寇為念留其私  
人以自利先生篇終無有怨尤止以封疆為  
慮老成之言哉  
忠厚之至即昌黎文王操也



五言

紀遇

少壯策名日太平通籍時重熙累十葉 神廟垂  
拱為四海大一統八荒無警陲聖神自穆穆靜攝  
廿年疲手握斗魁柄太阿未敢移忌前不任相言  
路竊私之垂老挺擊起玄黃日以廟再傳及 光  
廟佚棄俱荷召遺詔動閭閻變通得其要御乾方  
月餘幹蠱稱神妙倏忽泣鼎湖臣庶共哀吊倉卒  
到 熹宗大喪兩罹凶艱危多積蠹官府懷洵洵



柄落無人執魏鐫適我逢養心大內儲波逝在黃  
龍三案與要典庭論各不容角鬪剪攻已緹騎時  
肆克周鼎未曾問漢厄幾再逢天意垂明祚兄終  
弟及雍諸王藩邸日端廟輯其琮大闔遠投裔  
溥天快去癰方謂逢聖世整頓山河麗揆府不持  
綱看詳條例細帝明事察察左右巧壅蔽銳情登  
三五叢挫反滋弊法刻多逸刑用人少次第疆場  
輕督撫喪亂日荒敝寇至九廟驚千年統絕系致  
令望治主孤寡終莫繼寇盜據京華祚傾遑恤家

搶攘犇舊京洒淚泛江揜五月在京口弘光嗣  
服嘉以孫應繼祖翼戴序無差南北劃一江亦當  
晉宋賒柰何艱良輔泄泄起咨嗟柱弱難為屋政  
訛民易譁一朝風雨夜君相天之涯衣冠作逋客  
殺人多似麻只今陰雨夜頭骨猶捋丫辛苦四十  
載飄流仍江窪

李太虛曰彷彿杜少陵北征諸篇第近日亦有

南還數作讀公此作大不及也只是真境實

事故難摹擬四冊新詩種種皆古選之尤讀之真覺身在

黃初以上

李叔則曰五朝事實攝入韻語提綱挈領一一



洞悉如銅人膺穴上池見垣前時淚血後人  
龜鑑俱見於此大奇作也

祖墅丘村即事

先祖太常公所置

荷篠適南畝秋水稻滿陂稻花澹四野豆盛苗為  
披逝濯洗荆棘秋原瓜已離平生抱朴尚厭近塵  
囂劇欣此桑梓好看苗不覺疲荒村風近古優游  
可忘饑

李叔則曰似儲光羲田家詩

隨先嚴太常公與窓友許鶚春武清宇等讀

書朱尉庄兼悼武翁兩川

挾筴遵嚴命抱疴詣友廬霜天寒雁唳山色敞窓



虛石轉流不注秋風病霍如古人尚微論探討意  
何舒庭訓稟函丈輔仁其舍諸弦歌時一輟登眺  
晏山嶇厲響流危峰丹楓醉葉餘仄逕攀猿度懸  
崖羨鳥徐開樽延雲際曠視塵情踈晚飲館池上  
飛觴到日初三冬奄已過茅舍移東居柳色桃花  
嫩徵書夢蘧蘧浮沉悲失路人事各乘除彈指十  
年內登堂忝駕車謁翁已墓草掛劍長歎歎

李叔則曰情在境中復在境外  
公存心仁厚故所言盡如

### 瑞雲宮

瑞雲起水濱帝座敞山阿習靜觀天顏良朋寤寐  
適蒹葭蒼蒼白烟水又已波鐘鼓晨昏伴誦讀子  
夜過寒山無門戶邪道逞風魔雅志遠山去友言  
永不磨荏苒逾三冬弱冠掇一科禮署迴翔日假  
歸肅巍峩鄭重上帝眷慨慷軍國叱浮沉歷一世  
南北觸網羅生事不足論九州盡干戈業由人天  
造劫到誰能那蕭瑟江湖間風塵鬢髮皤望鄉遊  
子意魂夢遶山坡

李叔則曰每作必閱一世不是自叙小作



四門洞 沂水西南去東莞古城十里餘相傳為呂祖修鍊處

仙境宵何處平楚一望齊石雲洞口阻仙路溪難  
躋及到奧突處鬼神亦為迷炬光照幽隱山水見  
端倪日月南門敞乳芝仰面低吾師棲真座玄穹  
幕紫泥爰靜爰清境守一抱玄閨遵養歸天闕神  
劍復相携

李叔則曰秀深

西山

予初選贊皇未掣籤之時夢在西山料  
民以為曲沃也及到贊邑放賑乃在西  
山宛如其夢

綰綬初分邑荒年畿縣敝書生輟伊唔新嬾講經  
濟斗大亂山中石田以畝計槐河枕北流砂礫蕩  
無際一旱逾六月火風刮面疾敝袍終日禱誠薄  
龍深閉雲漢歌嗷嗷饑黎渴望惠恤調單騎行窮  
谷無所驛西抵蒼岩境大行林壑蔽東陲駕穆王  
五馬古碑題非是搜幽討疲勞時一憇因思大邑  
宰敢怨枳棘繫殫力活飢民西山指顧屬恍惚是  
夢中嘆息人生世

李叔則曰大作手  
真心實政



大槐

劇邑畿南衝南宮維帝墉舊城餘王氣光武一避  
鋒麥飯滹沱時燎衣有故蹤漳河灌冀後徙邑新  
提封元氣浩磅礴大槐久籠從幹宏不可圍屈曲  
數畝濃如虎踞天門石臨欲墮峰又如垂雲翼禮  
樂簇雍雍人蔭清涼國風來鳴巨鏞以茲標閎異  
倉庾壯縣容前令邢子愿流觴曲水溶䟽開成盛  
事墨妙人咸恭予媿才不逮作記病其庸徙倚大  
樹下愀然憶從龍

李叔則曰有來歷有包絡南宮一邑賴以為重矣

北嶽

瞻嶽曲陽阿雲山控三晉蜿蜒龍北來屹屹蔚雄  
鎮大陸走高峰輯瑞自虞舜封建肇上古百靈昔  
効順代更千億年呵護曾不吝分珪宰帝畿與嶽  
忝比隣報績見巡方廟趨致祇慎丹墀古栢滿怪  
石飛來俊貌肅氣猶生神疑笏亦搢悠悠配穹蒼  
盼饗昭明信玉帛錫嘉貺山河答永胤運隆鼎正  
盛不淄亦不磷去謁逾三紀跡踈夢寐親干戈隔



南北維嶽似見擯心事風塵違吾衰不敢進典新  
聞望祀齋沐一問訊

李太虛曰古而藻是夏商彝鼎

泉林

鳥

泉林泗水之源孔林東北泗水館驛在

涉泗觀流水問源看泉噴僕夫歇馬處池館古驛  
門一水明四野烟雲弄晨昏濟南分衆派崑麓麗  
星屯風日時與守澄明不變存漂流帝王世濬發  
尼山原斟酌六經後名隨萬古尊

李叔則曰莊重爾雅

### 大明湖有懷

明湖西北隅歷亂衆泉聚水氣起白雲孤亭坐蟬  
樹群荷嬌晚艷烟雨有逸趣一水泛北門清秋華  
不注佳山與佳水人世喜相遇如此清靈里於鱗  
生亦足千秋白雪樓嘆息在佳句

李叔則曰於鱗之魂呼之欲出

### 玉牒

熹廟臨軒日百工率作時積弛三十載大寐方覺  
疲初日耀方旭王孫帝子嬉當其在 神廟穆穆



莫可知生名不得請爵婚空爾為宗藩付夢夢啟  
奏日愈遲京使歲難待大明鼓噪之傍徨累宗伯  
命代清榛遠儀制抱鞅鞅郎曹事委蛇予兼二署  
篆夙夜綜文移冊庫天潢府看詳載籍披自朝至  
日昃如下江都帷日噉一茶餅不能充胃脾酸寒  
自其分清出十年靡婚胤始題部孽生皆得孽因  
思國運衰帝室先凌夷今此麟之趾可名為誰氏  
帝聰不及察天下安能治

海淀

戚里帝城隅名園海淀清高粱直北道青舍西山

嶰萬曆題  
來青館

源自玉泉來灌輸太液泓勝地誰堪主

武清帝為甥母氏眷外家賜賚盛簪纓一派澄疑

水截為椒貴瀛樓臺壯大觀欄檻春風迎水滙滄

桑海金鱗躍海鯨荷花十里蕩碧沼一漿橫香晚

拂人衣憑虛蓬苑行清華輝粉麗金碧駭流鶯登

閣瞻宸翰神宗屢載賡謁陵旋枉幸勤懇渭陽

情締構良不易動稱巨億營糜費出天家豈無永

久盟未幾遭魏奪檐題非舊名池臺笑易主天道



在虛盈衰謝迨 端廟沈憂迸弟兄祖后久仙馭  
誰念舅氏慙未若守寧一寵辱兩不驚

李叔則曰國朝無戚畹之權翼城李氏乃神宗孝思之所注後世自應保其眷顧一園如此亦足以見祖述之衰矣盛衰之感寓諷深至

埠陽庄同諸親友觀漁黃麓畹

玄冬十一月水渴涸寒際風草奔寒霜山光木落  
霽携友遊黃麓水雲澹容瀉招招舟子集我友一  
輦繫命酌蕩澄潭網張淵半蔽兩翼飛遊網逸魚  
杙又斃吁嗟奔命時中外俱難濟自有網罟設潛

鱗不得逝獵漁可教戰魚驚遑湏計大哉孔子言  
一釣垂仁惠

李叔則曰仁人用心中外俱難濟時事可知

石梁

肅肅歲將暮穡人告成功命駕適別墅飛鴻嘹唳  
冲東河薄暮宿入夜響大風雷震耳根鬧牀頭萬  
馬訶披衣問守舍石吼偶狀逢氣交風雨至水石  
始為通異境陵晨看石梁亂插空沂汶流接處巖  
壑亘長虹獅象紛眠卧牛羊詫矇矓圖排魚復浦



平山堂詩集卷之一  
窟幻龍藏宮學士鮮經歷河山便謂窮有如眉睫  
間誰知鬼斧工

李叔則曰大奇

五將峪悼方

秀才兄弟

秋雨半山過榻涼燈照蘿泉流咽不住霜葉落梨  
多面壁溪聲寂淒清月蕩波客窓今寂寞涕泗到  
山阿

織女洞

仙洞大道隅仰攀一停車河山迥河漢何為留仙

琚俯視圖畫裏聊可當別廬塵埃積漫滅天鼓亦  
聲虛向晦潛修鍊聖神豈廢諸天宮禮數煩或者  
整塵居耿耿明河裏流傳失其初

李叔則曰每有異想

沂山瀑布

百丈崖

空濛石嶂裏峩峩喬嶽前明晦任代謝流泉吐其  
巔蒼龍幻海氣布濩雲根穿氣候有潮汐晨昏景  
象懸風吹靜霹靂雨洒動成川涵泳水石激泠泠  
奏鳴絃山深惟樵逕卷幔有飛仙洞裏白雲客烟



平山堂詩集卷之一  
波不記年

李叔則曰刻畫景物句句蹠寔

### 冶源

馮氏好園亭冶源天所寵上西停黑渚海口孤村  
涌深奧吐潜蛟使我毛髮竦夙昔鑄劔地烟嵐依  
南隴山僻樹蒼蒼飛鳴幽澗重烟深鳥自繁陂起  
地為腫竹樹青滿谿樓臺雲裏聳水流屋脚穿飛  
濺心神悚一望澄金沙遊魚厨窻洵蒲笋足生涯  
瀟湘几案拱道元註水經可知此味渾

### 雲門

壬子九月與同年共登

南屏張午鏡青嶂鑿崔嵬月滿無弦望門虛有閉  
開白雲生石上出沒羣峰來共友一登躋踏雲倏  
往回黃花被菊徑秋氣有餘哀高卧希夷子軒軒  
遺八垓有希夷卧處

### 北大寺

薄暮下山去趨城到北隅拂林穿夕照大寺僧房  
居夜飲月光上鐘聲入定踈朦朧古栢影鶴唳九  
霄虛性寂景不亂偈開躰自如歸雲虛月照真覺



鷄鳴初

李叔則曰十言可傳此作矣

上院寺會年姻傳振陽因訪先太常讀書處  
時予新授儀曹振陽亦授戶部主事

秋風上院寺有客竚山阿除命一時下山靈偶共  
過幸辭作吏苦臺諫如人何通許亦庾部投閒俱  
攀蘿林深壑轉邃鳥禱鐘音和一逕到上方萬雲  
看俱皤月明窺牖入山衲誦經哦因憶先嚴隱業  
同亡岳磋曾聞風雨夜破壁鬼來摩同伴漸驚去

疑神志不磨下帷得副墨運蹇訕巍科舊衲有存  
者詢之說不吡當時兩姻苦今日兩姻歌僥倖食  
先德清華亦已多

李叔則曰奇事已見行狀  
念本知足

### 飲宮諭趙岐陽東園

宮諭東山日子歸上計時園臨子午路延酌城東  
陂竹滿琅玕碧書驚龍蛇馳茅茨猶尚古彝鼎秘  
清奇儲席久虛左高談來爽颺甘盤早晚相霖雨  
以為期



李叔則曰肯和語平

### 登岱

望岱青未了登岱白雲足古雪藏深岩苔蘚碑難  
句舜封已終古前代煩記註但見舊時松飛流掛  
瀑澍置身霄漢中呼吸帝可遇山上正夕陽半天  
雷雨注吳門眉睫間飄渺一毛羽真想在深洞黃  
花望望暮晚風吹殿猛官舍借一住雲臨月忽翳  
風返神來顧聞道登岱客時遭風雨妒慈顏霽金  
闕殊愜中心晤曙色鷄鳴開日紅海底露海霞盪

几席鳴潮如奏護喜從天上看不記塵凡路

李太虛曰岱宗五岳之首此詩足吞此山矣小天下豈虛哉

李叔則曰此題易于言境難於言情情之所發山靈具有生韻

### 靈岩

維岱有奧區靈岩山之呵山深日月古石逕蔓薜  
蘿拄杖到巖際谷音百鳥和栢留秦漢在岫幻白  
雲多偶渴思沆瀣清泉注碧波平望颯喬木疑聽

### 燔柴歌

李叔則曰鳥雜鐘音和各有其妙燔柴祭天故是登封之事



華不注

孤山自色相離立芙蓉切飛來華嶽石一瓣浮水  
際四望氣如岱艷流天半麗明光變現中開闢推  
青帝三匝昔蔽晉一變今擅齊小山衆所止恍惚  
蕩舟驚

李叔則曰切衆也用字奇妙  
艷流妙

遊望仙山

崇禎壬午

妖氛纏齊魯衛身苦無術跨馬遊望仙聞道纂棗  
栗深箐不見天谿谷暗如漆四週山峯合白雲排

崒律嶮岬滌澗石崎嶇止得一中有黃龍刹浮屠  
級凌七木石與之居鹿豕與之足請問桃源客洞  
口水流泌若使丸泥封戈甲可勿恤世外自有天  
無如仙人逸仙以塵不見塵盼空生哪我今非慕  
仙摇摇慮家室四海正板蕩極目但瑟瑟

出門

出門幽燕道臨別何草草拜母辭南樓一號幾痛  
倒侍幃逾十年林下怡幽討愛弟遭慘逝深傷慈  
母抱懼違難再離再召非其好君命義無駕遷延



秋已老絕裾逾九日霜柿青州灝一望黃金菓忽  
忽心若擣津河盛用兵前路焉能保艱滯進京城  
京中嚴夜更沸脣與嘯指軍士肆俾儻入夜即拘  
禁無論公與卿國家誠有事敢望如承平有道守  
四裔懿哉天子行大臣乏遠畧咄咄事巡兵蕭索  
似荒徼帝都安得亨帝心失簡在荆蜀事奪情四  
海供一擲宰銓不敢爭初心業已違思母欲辭纓  
當食失七箸心冲拉如榜訃音忽報逝嚙指母之  
精死別在生離終天痛惻惻



